

太華山陰穆老仙專持清靜探幽玄
修補祇陀無漏固常流慧水溉心田
擒猿縛馬翠峯巔定觀不用買山錢
捨宅投玄心契悟善惡之由夙世緣
心香福炷起靈源杳杳冥冥達上天
秋月碧潭真了了野花啼鳥謾喧喧
鼎中火滅開金藥木上無烟結玉蓮
學功積行滿三千性圓丹結去朝元

歌

其一 無相

採得玄珠非貨貝靈山一道香煙快
熏成無漏亦無生五道霞光攢慧蓋
這靈靈處處在妙用虛空無內外
無有皆空空亦空法相果因俱染愛
種種離超三界覺卽如來頓明解
尋文理義

道藏輯要

水雲集

五

胃集五
川文

謾區區說聖談賢還捏怪不修完
無毀壞境滅心忘觀自在恒沙瑩徹
則塵埃出入無疑爲妙最獅子兒祇
園內怒吼狐狸安敢對明月堂前玉
藥芳氛氲結就金蓮會黜惺惺祛聰
解本來自有何須買山頭浩浩涌靈
泉洗出虛空無證背遇重陽明教誨
也無進兮也無退自從入妙認貧閑
便知滅了前來罪絕討論去知解藏
伏光輝如暗昧任他烏兔兩忙忙且
這隨緣寄皮袋

其二 骷髏

骷髏骷髏顏貌醜只爲生前戀花酒
巧笑輕肥取意歡血肉肌膚漸衰朽
漸衰朽尙貪求貪財漏觀不成收愛
慾無涯身有限

至令今日作骷髏作骷髏爾聽取七寶人身非易做須明性命
似懸絲等閑莫逐人情去故將模樣畫呈伊看伊今日悟不悟

其三 落魄

我落魄我落魄渾身紙布爲衣着擺手行來萬事忘且喜一身
空索索飢時覓困時睡元初本住清涼地慧劍輝輝奪日光無
限邪魔皆遠離樂真閑成真趣邪逕荒涼我不去真靈剔正漸
分明超然走上烟霞路得真修應了徹實卽得時無可說水晶
宮殿鎮安閑勘破春花與秋月

又

我落魄我落魄衲布衲褌常恁着信意飄飄物外遊到處空空

道藏輯要

水雲集

去

胃集五
八二四

無倚托或居鄉或城郭不會書符并貨藥飢卽巡門覓一錢飽
來萬事齊拈卻處閑閑無用作人情細細須除削龍虎嬰姪總
不能默默醍醐常飲酌不做善不生惡坐臥去來空索索一片
清閑冷淡心從他四大任淪落絕關機無忖度不望乘雲與跨
鶴逍遙自在趣貧閑贏得隨緣恁安樂

繼丹陽師叔了髻吟韻

鍾呂海蟾爲宗祖繫玉鐘今動金鼓撞透中間一點明跳出靈
童當面舞我恁喬不是喬喬話其中隱不喬真正言無諂語絕
盡塵埃機與慮提離男挈坎女將領黃婆遊淨土住與行坐與
睡或披氈或紙被靜靜清清常恁地半如癡半似俏癡俏中間